



Gikendan owe GOOBID-19 mashkiki ge-aabajichigaadeg omaa Gaanada Akiing.

Ni-wii-biidamawaanaan GOOBID-19 ashawizo-mashkiki awe Gaanada Aki wenjiid.


Ashawizo-mashkiki onizhishin ji-aakozisig awiya gemaa ji-aazhoo'iwesig giishpin aakozid, wegonen igo aakoziwin daabishkoo gichi-agigokaawin gemaa abinoojii-aakoziwinan. Onizhishin owe GOOBID-19 ashowizii-mashkiki ji-inaapinesiwang iwe inaapinewin gaye ji-giiwe-mino-ayaaying omaa Gaanada Akiing gaye miziwe akiing. Gaanada Aki Ogimaawiwin odanokaadaanaawaa ji-debinamowaad Gaanada akiing gaa-ayaawaad iwe ashowizii-mashkiki gaye godag aabajichiganan. Owe oada-gikendaanaawaa Gaanada Aki wenjiiwaad iwe ge-aabajichigaadeg GOOBID-19 ashowizii-mashkiki.



Ini eta gaa-gikenjigaadegin wenzhishing ashowizii-mashkikiwan da-aabadanoon omaa Gaanada Akiing. Gaanada Aki nisidawinigaade miziwe akiing e-ishpendaagwaninig odanokiiwini-waa omaa [mashkiki gaye ashowizii-mashkiki gii-naagadawaabanjigaadeg gaye gii-minwaabanjigaadeg](#) gaye [naanaagadawaabanjigewin](#) izhichigewinan, gaawin bakaan geroon da-izhichigesim. Gaanada Aki Ogimaawiwin o-gii-debinaawaa ge-ozhitoonid iwe ashowizii-mash-kiki ji-gojichigaadeg, owiidanokiimaawaa idash miziwe agaamakiing gaa-gikendamowaad owe dinookaan, ji-getemenjigaadeg e-ozhishishingin ini GOOBID-19 ashowizii-mashkikiwan, jibwaa-debinigaadeg eya ji-ikidong.



Gakina awiya oda-debinaan iwe ashowizii-mashkiki. Awashime 150 ashowizii-mashkikiwan nanaando-gikenjigaadewan miziwe agaa-makiing noongom ozaam aaniish amii bijinag e-aabadizid zhooniyaa gaye bijinag ji-maamookamowaad dazhiikamowaad iwe. Gaanada Aki Ogimaawiwin [odasaawaan zhooniyaaan omaa Gaanada Akiing ji-dazhi-nanaandogikenjigeng gaye aazha giizhaakonigewag ji-adaawewaad iwe ashowizii-mashkiki](#) maawach gaa-onizhishingin ini dinookaanan ashowizii-mashkikiwan miziwe agaamakiing onji. Amii dash ji-debinamowaad Gaanada Akiing gaa-ayaawaad iwe gaa-onizhishing ashowizii-mashkiki apii giizhichigaadegin. Gaawin wiin gakina ashowizii-mashkikiwan da-minwenjigaadesinon, amii gaa-onji-adaaweyaang niigaan ini maawach wenzhishingin ashowizii-mashkikiwan. Gaanada Aki Mino-Ayaawin [onaanaagadawaabandaanaawaa gaye inenda-moog wegonen maawach](#) GOOBID-19 ashowizii-mashkiki ge-odaapinigaadeg wewiib igo, gaye weweni ji-izhichigeng ji-onizhishingin debwe ini.



Nitam da-agaasiinadanoon ini ashowitzii-mashkikiwan, baamaa dash inenjigaadeg e-ozhishing mashkiki, igi maawach ge-minoshkaagowaad da-gagiiginaawag.

Nimbagosendaamin ji-ayaayaang mashkiki apii wiiba apii Gaanada Aki Mino-Ayaawin debinang ini ashowitzii-mashkikiwan ji-aabajitoowaad Gaanada Aki gaa-ayaawaad. Da-wiidanokiimidiwag ogimaawinan gaa-onjiiwaad gaye ji-gagwejimaawaad ini gaa-nagajitoowaad iwe gikendaasowin daabishkoo [Ashowitzii-mashkiki Gaa-naagadawaabandamowaad omaa Gidakiinaang](#) (NACI), ji-ikidowaad awenenag nitam ge-miinindwaa iwe ashowitzii-mashkiki. Amii iwe ge-onji-wiiji'angidwaa igi maawach ge-gichi-aakoziwaapan gaye ji-aakozisigwaa niibiwa awiyag gaye giyaabi ji-zhooniyaakenaaniwag, ji-gibichise-sinog bimaadiziwin miziwe. Apii dedasingin ini ashowitzii-mashkikiwan, amii gakina awiya ge-izhi-debinang iwe ashowitzii-mashkiki.



Gaawiin zhemaak da-onizhishinziinon iwe mashkiki, maagizhaa ginwesh. Gaawiin aabiding eta miinind mashkiki da-onji-mino-ayaasii awiya. Maagizhaa bezhig miinawaa gi-ga-miinigo jibwaa-onizhishing iwe ashowitzii-mashkiki. Gaawiin mashi ningikendaziimin aaniin minik ge-aabajitoowaapan awiyag iwe ashowitzii-mashkiki jibwaa-inenjigaadeg [gakina awiyag ji-zhaabwiwaad](#). Jibwaa dash aabajichigaadeg iwe ashowitzii-mashkiki, giyaabi Gaanada Aki gaa-ayaawaad daa-giziininjiwag, [daa-abiwag endaawaad](#) giishpin aakoziwaad gaye [waawaasa ji-onji-ganoonindiwaad gaye ji-gigishkamowaad aagwiing-we'on](#) gaye ji-bekibimaadiziwaad [ji-aagoowidizowaad ososodamowaad](#) gaye [ji-bekitoowaad endaawaad](#).



GOOBID-19 gaawiin memwaach da-diba'igaadesinoonan. Apii nawach giyaabi ashowitzii-mashkikiwan ozhichigaadegin, nin-ga-gashkitoo-min gakina Gaanada Akiing wenjiid ji-debinang iwe ashowitzii-mashkiki. Gi-bimaadizimin omaa akiing gi-daa-gagwe-gashkitoomin dash gakina awiya omaa akiing jidebinang gaawiin [wiin eta gaa-ozhooniyaamiwaad](#) awiyag ji-debinamowaad iwe mashkiki iwe GOOBID-19 ashowitzii-mashkiki. Baamaa dash gakina wiiji'igooying, giyaabi gi-daa-inaapinemin iwe GOOBID-19 aakoziwin.



Ashowitzii-mashkiki gi-daa-gashkitoon ji-gagwe-odaapinaman ji-mino-ayaawaad gidinawemaaganag gaye gidazhiikewin gaye giin. Onizhishin ji-ikidong giishpin [andawendaman iwe ashowitzii-mashkiki](#) gaye gakina Gaanada Akiing gaa-ayaawaad jinendamowaad e-onizhishing iwe ji-onji-mino-ayaaying.



Ninandawendaamin ji-wiidanokiimigooyeg Gaanada Akiing gaa-ayaayeg ji-gikendameg ezhiseg. Giishpin ani-aanjiseg gegoo, nin-ga-ani-aandaakonigemin ezhichigeyaang. Ninga-apendaamin Gaanada Aki gaa-izhi-ganawaabandang mino-ayaawin gaye gaa-izhi-gikendaasowaad gaa-inanokiwaad, mino-ayaawin gaa-dazhiikamowaad gaye gaa-ozhitoowaad mashkiki gaye gaa-niigaaniwaad gaye anishinaabe-izhitwaawin gaa-gikendamowaad ji-wiiji'inangidwaa ji-debinigaadeg GOOBID-19 ashowitzii-mashkiki. Gi-daa-gikendaan aaniin ezhiseg omaa inaabiyan [Canada.ca/coronavirus](#) gaye dash debweyendaman [gaa-debwemagakin](#) wiindamaagewinan.